

Murçia, de Jahen, del Algarbe et sennor de Vizcaya et de Molina. Por fazer bien et merçet a Pedro Lopez de Ayala, mio vasallo, tengo por bien que sea adelantado mayor por mi en el regno de Murçia en quanto yo touiere por bien et la mi merçed fuere, et que aya el dicho adelantamiento tan bien et tan conplidamente commo lo ouieron los otros adelantados que fueron por mi et por los otros reyes onde yo vengo en el regno de Murçia fasta aqui. Et do le poder por esta mi carta et mandole que faga justiçia en todo el regno de Murçia en aquellos que la meresçieren, asy commo fallare por fuero et por derecho.

Et sobre esto mando a todos los conçejos de las villas et de los logares del regno de Murçia que reçiban et ayan por adelantado al dicho Pedro Lopez et fagan por el en todas las cosas que mio seruiçio fueren, asy commo por mi adelantado, et que vsen con el en fecho del adelantamiento et que le recudan con todos los derechos que al dicho adelantamiento pertenesçen, segunt que recudieron et vsaron con los otros adelantados que fueron por mi et por los otros reyes onde yo vengo en el regno de Murçia fasta aqui. Et non fagan ende al por ninguna manera, so pena de la mi merçed.

Dada en el Real de sobre Escalona, XXVI dias de março, era de mill et trezientos et sesenta et seys annos. Yo, Johan Sanchez, de la camara, la fiz escreuir por mandado del rey. Diego Garçia. Ruy Martinez. Diego Perez, vista. Alfonso Yannez. Pedro Bono. Johan Rodriguez.

## CII

**1328-III-26, Real sobre Escalona. Provisión real de Alfonso XI a Juan López de Diacastillo, alcaide del castillo de Alhama, ordenándole que entregase el castillo a Pedro López de Ayala. (A. M.M. C.R. 1314-1344, f. 33r).**

Don Alfonso, por la graçia de Dios, rey de Castiella, de Toledo, de Leon, de Gallizia, de Seuilla, de Cordoua, de Murçia, de Jahen, del Algarbe et sennor de Vizcaya et de Molina. A uos, Johan Lopez de Diacastiello, alcayde del mio castiello de Alhama, salut et graçia.

Bien sabedes en commo ese castiello que uos tenedes es mio et tengo por bien que me lo entreguedes.

Porque vos mando, vista esta mi carta, que entreguedes el dicho castiello de Alhama, que uos tenedes, a Pedro Lopez de Ayala, mio vasallo et mio adelantado mayor en el regno de Murçia, o a vn escudero fijodalgo que el enbiare alla en su lugar.

Et non fagades ende al por ninguna manera, sy non mando al dicho Pedro



Lopez o al escudero fijodalgo que el a uos enbiare, que uos enplaze que parescades ante mi, do quier que yo sea, del día que uos enplazare a XXX dias, so pena de mill maravedis de la moneda nueva, a dezir por qual razon me non queredes entregar el dicho castiello; si non, sabed, que si al dicho plazo non venieredes o non enbiaredes a mi vn escudero fijodalgo que me lo entregue, que yo que pasare contra uos commo contra aquel que non quiere entregar el castiello a su rey et a su sennor natural. Et de commo lo conplierdes mando a qualquier escriuano publico de qualquier villa o logar que para esto fuere llamado, que de ende al que uos esta carta mostrare testimonio signado con su signo porque yo sea ende cierto; et non faga ende al, so pena del ofiçio de la escriuania. La carta leyda, datgela.

Dada en el Real de sobre Escalona, XXVI dias de março, era de mill et trezientos et sesenta et seys annos. Yo, Johan Sanchez, de la camara, la fiz escreuir por mandado del rey. Diego Garçia. Ruy Martinez. Diego Perez, vista. Alfonso Yannez. Pedro Bono. Johan Rodriguez.

### CIII

**1328-III-26, Real sobre Escalona. Provisión real de Alfonso XI a Sancho Sánchez de Harriega, alcaide del castillo de Molina, ordenándole que entregase el castillo a Pedro López de Ayala.**  
(A.M.M. C.R. 1314-1344, f. 33r).

Don Alfonso, por la graçia de Dios, rey de Castiella, de Toledo, de Leon, de Gallizia, de Seuilla, de Cordoua, de Murçia, de Jahen, del Algarbe et sennor de Vizcaya et de Molina. A uos, Sancho Sanchez de Harriega, alcayde del mio castiello de Molina, salut et graçia.

Bien sabedes en commo este castiello que uos tenedes es mio et tengo por bien que me lo dedes.

Porque vos mando, vista esta mi carta, que entreguedes el dicho castiello de Molina Seca, que uos tenedes, a Pedro Lopez de Ayala, mio vasallo et mio adelantado mayor en el regno de Murçia, o a vn escudero, omne fijodalgo, que el enbiare alla en su logar.

Et non fagades ende al por ninguna manera, sy non mando al dicho Pedro Lopez o al escudero, omne fijodalgo, que el a uos enbiare, que uos enplaze que parescades ante mi, do quier que yo sea, del día que uos enplazare a XXX dias, so pena de mill maravedis de la moneda nueva, a dezir por qual razon non queredes entregar el dicho castiello; si non, sabed, que si al dicho plazo non venieredes o non enbiaredes a mi vn escudero fijodalgo que me lo entregue, que yo que pasare contra uos commo contra aquel que non quiere entregar el castiello a su

